

新式標點

百家批註

大字綱鑑易知錄



序

予童年有志讀史，然至老究未嘗一卒讀者，何也？蓋予性最拙，讀時不能遽解，待解移時輒忘，又識字甚少，時須考證，且少以足疾廢，六經諸子，無心涉獵，都邑山川，不一遊覽。縱有志讀史，亦猶聾者之無聞，盲者之無見，故讀未終篇，輒生厭倦，此予所以究未嘗一卒讀也。雖然，予既有志讀史矣，而欲待博羣書以悉其所聞，歷名山大川以窮其所見，度必不能，然則予將作如何讀法，而後可邪？常觀世之樂於讀史者，類多顚悟絕人之士，一日數行俱下，一覽終身不忘，讀時不求甚解，會心在牝牡驪黃之外，故觀史務求其詳，論史必歸於雅，而若予之拙者，欲求讀史之法，寧簡毋詳，寧陋毋雅，庶乎其得之邪？周子靜專，星若予忘年友也，弱冠工舉子業，而尤邃史學。乙酉歲，攜其手輯綱目全編以示予，讀史之法，予遂與二子復相編輯，不問祁寒暑雨者殆六載，苦簡篇之汗漫，爲之摘要而刪繁，慮大義之不明，爲之提綱而絜領，典故則攬摭源流，詳箋細釋，不必腹具經笥，胸藏史鏡，而燎若指掌，輿地則遡厥沿革，援古證今，不必南浮

北過，西至東漸，而宛如在目。分涇別渭，辨淄知澠，則圈殊星列，妍媸爛然，而遊移上下之見不設也。沉奧屈曲之句，險怪奇澀之文，則結讀分明，鉤黠截然，而聾牙澀訥之苦不形也。迨夫字畫較毫釐，音聲辨纖悉，務絕譌以襲譌，謬以承謬之弊，則魯魚亥豕之誤，杖杜伏獵之差，殆可免矣。至若覩此而失彼，記乙而忘甲，則注不勝注，解不勝解。失注則遺，複解仍晦，乃立見前見後法，如呼醉使醒，警夢使覺，則全部神理，首尾貫穿，不猶全體血脈上下流通也哉？予乃今而知讀史之法，其在是乎？予因之有感矣！向有志讀史而未能一卒讀，及欲求一讀史之法而不可得，得與二子共相編輯，以迄成書，縱不能博羣書以悉其所聞，歷名山大川以窮其所見，以視予前日之耳無聞而目無見者，大有逕庭。然後知觀史之不欲論史之不明者，非盡天資遲鈍，庸師誤人，亦由編輯成書者引導無方而致然也。二子屬予鏤版行之世，予曰：「是書未可遽以問世也。姑以私便檢閱，自備遺忘，藏之家塾，以課弟子已耳。」適子友朱子聖懷亦寄予明紀鈔略一編，遂續輯而并付之梓。再閱歲，工始竣。二子復謂予曰：「若得大

人先生序引，則是書可行，且能及遠。」予謂既無卓絕千古之識論，定百代之興亡；復鮮著作辨論之才品，驚人事之得失，而徒沾沾於句櫛字比，審音訓義之末，是殆兔園學究之所爲，行且不能，何望及遠。顏曰：易知錄同予之拙者幾人，鮮不病予之簡而笑予之陋也。

康熙五十年秋七月十五日，山陰吳乘權楚材題於尺木堂。

敘

繼春秋而後大一統而明予奪者莫過綱目一書。然而上下數千百年，文成數百萬，讀者若涉大海，茫無津涯。纂輯家就簡刪繁，名手錯出，而微言奧旨，字義典實，略焉弗詳。雖極好學深思，心知其意而亦無由悉其條貫。迨考之他書，質之師友，而卒未能了然有得。余素欲講求春秋大義，故每樂觀綱目全篇。十餘年來，余歷官秦晉豫蜀，皇皇幾務，得以經史自娛之日絕少，偶有暇刻，亦不獲縱覽全史，輒取諸家纂輯者繙閱之，亦僅能識其大概而已。前大司馬留村公，余族兄也，由撫閩晉總制兩粵，攜從子楚村，彙前賢近代名流之文而輯之，曰古文觀止。余兄作之，敘而梓行之，迄今風行海內，其正蒙養而裨後學，厥功誠非淺鮮也。今年春，余奉天子命撫滇南，楚村與友周子靜專星若輯有綱鑑易知錄草，萬里寄余。余略觀大意，法遵綱目，注集王劉，煩簡適宜，雅俗咸賞，及信手拈一卷細閱之，無義不抉，無書不羅，俾讀者不必考之他書，質之師友，而了然有得。而余亦自喜向之僅識其大概者，今且纖毫必悉矣。名曰易知，良不

誣也。以之正蒙養而裨後蒙，視古文觀止之刻，厥功殆爲過之，其風行更當何如哉？余急命付之梓，爰爲之敘。

康熙五十年仲夏吉日，巡撫雲南兼建昌畢節等處地方贊理軍務兼川貴兵餉都察院右副都御史愚叔存禮立庵氏題。

發凡

通鑑刪煩

通鑑固須全讀，但人之姿性高下懸絕，卷帙太煩，豈能一槩記誦？勢不得不刪。然信手刪去，盡失頭緒，如何看得明白？茲則細加斟酌，事之源委，人之始末，起伏照應，明若觀火。

綱目全列

目之有綱，猶傳之有經也。使有目而無綱，則目於何處著落，而其閒之褒貶予奪，亦茫無所據矣。茲則有有綱而無目，未有有目而無綱者，如人著眉，如龍點眼，褒貶予奪，乃有定論。

創立紀編

綱目正編，自威烈迄五季，續編自兩宋迄有元。茲則上起三皇，下終明代，則威烈以前，有元以後，綱目豈敢自立？然金氏有前編，尊之爲綱，而目則變，而云紀。谷氏有紀事，仍之爲紀，而綱則變，而云編。不敢自立綱目之名，

亦以不失綱目之意云爾。

複出則見

是編中凡遇相同之處，隔遠者，則云見幾卷第幾；在上下卷者，則云見上卷第幾，下卷第幾；在本卷者，則云見上幾，或見下幾；在一二張內者，則但云見上，見下，不煩注解，而無味後遺前之失，更覺通體精神。

典故詳明

典故或本經傳，或出子史。空疎者，全未講究，即素號博雅之儒，亦不過識其大槩而已，或未必能確然指爲某經，某傳，某子，某史者。不甚分曉，便不親切。茲則必指出爲某經傳，某子史，且必指出爲某經傳子史之某篇，某章，自覺有味乎其言。

輿圖首指

讀史經濟，全在輿地。輿地不明，雖熟讀全史，猶如說夢。然但注爲郡名，縣名，及地名，山名，水名者，與不注同，即或指出爲某郡，某縣，而但爲前代之

郡縣名，亦與不注同也。茲則郡名直曰今某省某府。縣名直曰今某省某府某縣。山水地名，直曰在某省某府某縣，則國都之建立，形勢之強弱，戰爭之進退，使命之往來，如指諸掌，如運諸目，輿圖既熟，經濟自生。

別加圈點

讀史與讀他書不同，務在分涇渭，別嫌微。茲則遇綱與編之是而得者，用白圈；非而失者，用黑點。則人之賢奸，事之美惡，言之曲直，意之誠僞，燦若基置矣。若分注中僅用單圈分句，以歸簡易。

辨別音聲

一字有數音，一音有一義；如睢陽之睢，讀雖；恣睢之睢，讀誨。乘桴之桴，讀孚；桴鼓之桴，讀浮之類是也。一音有數聲，一聲有一義；如名譽之譽，讀豫；稱譽之譽，讀餘；長短之長，讀場；長餘之長，讀仗之類是也。蒙師教學，信口讀去，自誤誤人，流毒不淺。茲于本字之下，詳加音注，於初學亦不無小補云。

先儒姓氏

西漢

龍門司馬氏

名遷，字子長，龍門人，父談，爲太史，遷繼父業作史記。

洛陽賈氏

名誼，洛陽人，著有過秦論，治安策。

廣川董氏

名仲舒，廣川人，著有賢良三策。

彭城劉氏

名向，字子政，本名更生，著洪範五行，列女傳，新序，說苑。

東漢

茂陵班氏

名彪，字叔皮，茂陵人，著王命論，及賦論，奏事，凡九篇。○彪子固，字孟堅，著西漢書及兩都賦。

扶風曹氏

姓班，名昭，字惠姬，彪之女，適曹世叔，早寡，號曹大家。兄固著漢書未成而卒，詔昭踵成之。

平陵賈氏

名逵，字景伯，平陵人，注史記，及著經傳義并論難，百餘萬言。

長陵馬氏

名融，字季長，茂陵人，校正史記譌謬。

南陽劉氏

名珍，字秋孫，南陽人，作建武以來名臣傳。

琅邪伏氏

名儼，字景弘，琅邪人，著前漢書糾繆。

北海鄭氏

名玄，字康成，北海高密人，注史記。

滎陽服氏

名處，字子慎，滎陽人，注前漢書。

潁川荀氏

名悅，字仲豫，潁川潁陰人，淑之孫，刪漢書爲帝紀三十卷。

汝南應氏

名勛，字仲瑗，汝南人，著漢官儀，及風俗，通行於世。

南陽文氏

名穎，字叔良，南陽人，注前漢書一百三十二卷。

三國

巴蜀譙氏

名周，字允南，巴西人，著古史記。

陳留蘇氏

名林，字孝友，陳留人，注前漢書一百三十卷。

東海王氏

名肅，字子雍，東海人，著史記及諸經傳注。

安平孟氏

名康，字公休，安平人，著前漢書行於世。

馮翊如氏

名滄，馮翊人，著前漢書行於世。

雲陽韋氏

名昭，字洪範，雲陽人，撰兵書。

餘姚虞氏

名翻，字仲翔，餘姚人，著史記國語訓詁傳於世。

中山張氏

名晏，字子傳，中山人，著西漢書音釋四十卷。

西晉

高唐華氏

名橋，字叔駿，高唐人，裴之子，自作漢紀三十卷。

巴蜀陳氏

名嘉，字承祚，巴西安漢人，撰三國志六十五篇。

河南晉氏

名灼，字子盛，河南人，著前漢書音釋四十卷。

高平劉氏

名寶，字道真，高平人，著歷代史書考異行於世。

泥陽傅氏

名玄，字體群，本靈州人，徙居泥陽，撰魏書。

東晉

河東郭氏

名璞，字景純，河東人，博學高才，注爾雅及西漢司馬相如傳。

陽夏袁氏

名宏，字彥伯，陽夏人，著三國志及東征等賦。

陳郡王氏

名隱，字子微，陳郡人，撰晉史九十餘卷。

餘姚虞氏

名豫，字叔常，餘姚人，著西漢書四十餘卷。

太原孫氏

名盛，字安國，太原人，博學善言，著魏武春秋三十卷，及晉春秋十餘卷。

襄陽習氏

名鑿齒，字彥威，襄陽人，博學洽聞，著漢晉春秋五十四卷。

陳留蔡氏

名謨，字道明，陳留考城人，著前漢書百餘卷。

嘉興干氏

名寶，字令升，新蔡人，徙嘉興，著晉紀三十卷，春秋左氏外傳注。

丹陽薛氏

名璠，字文潔，丹陽人，撰後漢東觀記百餘卷。

陽夏袁氏

名崧，字道高，陽夏人，撰後漢書一百卷。

東莞徐氏

名廣，字野民，東莞人，選史記音義十三卷，脩晉紀四十一卷。

南北朝

順陽范氏

名曄，字蔚宗，順陽人，刪後漢書成一家之作。

河東裴氏

松之，字世期，聞喜人，注三國志二十卷。○松之子驥，字龍駒，注史記四十卷。

會稽謝氏

名靈運，會稽人，玄之孫，家於上虞，撰晉書三十五卷。

武康沈氏

名約，字休文，武康人，博極羣書，善屬文，著晉宋齊書。

平原劉氏

名昭，字宣卿，平原人，注後漢書一百八十卷。

吳郡顧氏

名野王，字希馮，吳郡人，著陳書三卷，及輿地志，國史記傳。

清河崔氏

名浩，字伯淵，清河人，博極羣書，敍成國書三十卷，及校正晉書五十餘卷。

鉅鹿魏氏

名收，字伯啓，鉅鹿人，纂脩國史及魏史。

隋

曲陽魏氏

名澹，字彥深，下曲陽人，詔澹別成魏史，矯魏收之失，極爲簡要。

博陵李氏

名德林，字公輔，博陵人，撰北齊書三十卷。○德林子百藥，踵作全編五十卷。

唐

鉅鹿魏氏

名徽，字玄成，鉅鹿人，撰隋書本紀列傳。

洛陽長孫氏

名無忌，字輔機，洛陽人，博涉書史，撰隋書志行於世。

宜州令狐氏

名德芬，宜州人，隋末棄官仕唐，與李延壽皆以史學名當世，撰後周書。

魏郡李氏

名延壽，字延齡，相州人，撰南北史一百八十卷及唐太宗政典。

章懷太子

名賢，字明允，高宗子，招集名儒張大安等，共注范曄後漢書。

琅邪顏氏

名籀，字師古，琅邪臨沂人，顏子三十七世孫，注西漢書。

龍門王氏

名劼，字君懋，勃之弟，撰隋書八十卷。

彭城劉氏

名知幾，字子元，彭城人，博覽羣書，脩國史，著史通內外四十九篇。

浚儀吳氏

名競，汴州浚儀人，纂脩國史事多核實也，人比之董狐。又撰貞觀政要及大唐春秋。

河內司馬氏

名貞，字子正，河內人，史記集解，及補三皇紀，自號小司馬以別之。

京兆杜氏

名佑，字君卿，京兆萬年人，撰通典。

昌黎韓氏

名愈，字退之，南陽人，爲文粹然，一出於正，學者仰之如泰山北斗。脩順宗憲宗實錄。

贊皇李氏

名德裕，字文饒，贊皇人，吉甫之子。注前後漢書行世。

五代

歸義劉氏

名煦，字日輝，涿州歸義人。撰舊唐史通鑑等書。

宋

肥鄉李氏

名沆，字太初，肥鄉人，著五代史註疏三十卷。

河南富氏

名弼，字彥國，河南人，篤學有大度，著唐鑑纂疏。

晉城劉氏

名義叟，晉城人，脩唐史律歷，天文五行志，著十二代史，劉氏輯歷春秋災異諸書。

陽翟孫氏

名甫，字之翰，陽翟人，著唐史記二十五卷。

廬陵歐陽氏

名脩，字永叔，廬陵人，文章名冠天下，諡文忠，撰唐書五代史。

溫陵曾氏

名公亮，晉江人，爲宰相，練達朝政，諡宣靖，與歐脩，宋祁同脩新唐書。

雍邱宋氏

名祁，字子京，雍邱人，庠之弟，與兄同時舉進士，與歐陽脩，曾公亮，同脩新唐書。

奉符石氏

名介，字守道，奉符人，師事孫復，固窮力學，著唐書糾繆。

浦城章氏

名衡，字子平，浦城人，嘉祐初進士第一，神宗朝，進編年通載十卷。

永康徐氏

名元黨，字中立，永康人，著五代史集注。

濂溪周氏

名敦頤，字茂叔，道州營道人，博覽羣書，著太極圖及通書行於世，學者稱爲濂溪先生。

新喻孔氏

名武仲，字常父，新喻人，著唐書集注一百三十卷。

河南程氏

名顥，字伯淳，世稱明道先生，諡純公，封河南伯。顥弟頤，字正叔，世稱伊川先生，諡正公，封伊陽伯。

龜山楊氏

名時，字中立，將樂人，潛心學史，號龜山先生，諡文簡。

眉山蘇氏

名洵，字源明，號老泉，眉山人，二子軾，字子瞻，號東坡，洵長子，博通經史，爲文渾

東坡蘇氏

名軾，字子瞻，號東坡，洵長子，博通經史，爲文渾函七芒，進視百世，著唐書辨疑，及文集行於世。

穎濱蘇氏

名轍，字子由，號穎濱，淮次子，爲文汪洋瀟泊，而有秀傑之氣，著古史五十餘卷。

淮海秦氏

名觀，字少游，高郵人，長於議論，文麗而思深，著淮海閒集，及議論兩漢書。

淮陰張氏

名來，字文潛，淮陰人，十二歲能文，弱冠登進士，著兩漢決疑八十餘卷。

涑水司馬氏

名光，字君實，平陽夏縣人，累官端明殿學士，封溫國公，諡文正，脩資治通鑑，別爲目錄三十卷。

道源劉氏

名恕，京兆人，皇祐初舉進士，與司馬溫公同脩通鑑，又編通鑑全紀及外紀。

華陽范氏

名祖禹，字疇父，華陽人，鎮從孫舉進士甲科，與溫公同脩通鑑，又脩唐鑑十一卷，仁宗政典六卷。

清江三劉氏

劉敞，字貢父，清江人，學問淵博，爲文尤膽敏，著兩漢刊誤。○劉敞，字原父，敞之子，累官端明殿學士，同父叔著兩漢刊誤。

南豐二曾氏

曾鞏，字子固，南豐人，文章與歐陽脩齊名，世稱南豐先生，著兩漢議論行世。○曾肇，字子開，鞏之弟，舉龜山傳其立朝端嚴，有大臣體，與兄同著兩漢議論。

眉山史氏

名炤，字子熙，眉山人，父清弼，蘇軾兄弟師事之，炤博學能文，作通鑑音釋三十卷。

武夷胡氏

名安國，字康侯，崇安人，累官至給事中，諡文定，著春秋傳，及脩成通鑑舉要補遺二書。

致堂胡氏

名寅，字明仲，安國長子，從楊時學，世稱致堂先生，著讀史管見數千萬言。

五峯胡氏

名宏，字仁仲，安國季子，幼事叔時侯仲良，而卒傳父學，以蔭補承務郎不調，著皇王大紀八十卷。

籍溪胡氏

名噩，字原仲，安國從子，晚年召爲祕書正字。朱熹師事最久，世稱籍溪先生，著兩漢書辨正等書。

屏山劉氏

名子翬，字彥中，崇安人，幹次子，痛父死，廬墓三年。朱熹常與之遊，號屏山先生。